

Na osnovu člana 13. stav 2. alineja peta Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09) i člana 21. tačka 7. Statuta Grada Zenica („Službene novine Grada Zenica“, broj 5/15), Gradsko vijeće Zenica na 49. sjednici održanoj 25. 9. 2024. godine, donosi

ODLUKU

o načinu povjeravanja na upravljanje i korištenje zemljišta i objekata kompleksa Kantonalne bolnice Zenica

Član 1.

Ovom Odlukom uređuje se način povjeravanja na upravljanje i korištenje zemljišta i objekata kompleksa Kantonalne bolnice Zenica.

Član 2.

Zemljište i objekti u obuhvatu kompleksa Kantonalne bolnice Zenica, koji su u posjedu i na korištenju od strane Javne ustanove „Kantonalna bolnica Zenica“ u svrhu obavljanja zdravstvene djelatnosti na sekundarnom i tercijarnom nivou povjeravaju se na upravljanje i korištenje JU „Kantonalna bolnica Zenica“, bez naknade.

Prikaz zemljišta i objekata kompleksa Kantonalne bolnice Zenica s potrebnim podacima sadržan je u prilogu koji čini sastavni dio ove Odluke.

Član 3.

JU „Kantonalna bolnica Zenica“ obavezuje se da povjerenom imovinom iz člana 2. Odluke upravlja i koristi istu s pažnjom dobrog domaćina.

Član 4.

Na osnovu ove Odluke zaključit će se Ugovor o upravljanju i korištenju zemljišta i objekata kompleksa Kantonalne bolnice Zenica između Grada Zenica, s jedne strane i JU „Kantonalna bolnica Zenica“, s druge strane, uz obavezu pribavljanja mišljenja Gradskog pravobranilaštva.

Član 5.

Ovlašćuje se Gradonačelnik da može u ime i za račun Grada potpisati Ugovor iz člana 4. Odluke, te poduzimati sve potrebne radnje u procedurama provedbe ove Odluke.

Član 6.

Ova Odluka stupa na snagu danom donošenja, a objavit će se u „Službenim novinama Grada Zenica“.

Broj: 01- 45-19353/24
Zenica, 25. 9. 2024. godine



PREDAJEDAVAJUĆI
GRADSKOG VIJEĆA

Mirza Husetić

DOSTAVLJENO:

1x Gradonačelnik

1x Stručna služba Gradskog vijeća

1x a/a

9/2
11.10.24
02